



KUULLÄMNÄÄL ULMUU VUOIGÄDVUOĐAH JÁ KENIGÁSVUOĐAH

Luhottesvuotâttutkâmkuávdáá ráhtim tutkâmuš ulmen lii torvolášvuođâ pyeredem. Tutkâmuš ulmen ij lah čujottiđ, kiäst lii vuoigâdvuođâlâš vaastâ luhottesvuođâst.

Torvolášvuotâttutkâmlaavâ (525/2011) vuáđuld totkeeh pyehtih kuullâđ luhottesvuotân tâi varâtilán karttâm ulmuid, äššitobdeid já iärásijd, kiäin máhđulávt finnee tárbulijđ tiäđuid.

Kuullâmnâál ulmust uázžu leđe fáárust išedeijee teikkâ äššiolmooš. Párnáá teikkâ iärásij, kiäin ij lah tievâslâš väldi alnestis, fáárust kalga leđe suu aitârdeijee, hiäđukoccee tâi eres lavâlâš ovdâsteijee. Išedeijee ij uážu västidiđ kuullâmnâál ulmuu peeleeest, mut sun puáhtá pyehitiđ oovdân aášjđ maid ana tehálâžžân.

Kulâmist kiävttoo táválávt suomâ- tâi ruotâkielâ, mut kuullâmnâál ulmuu tuoivuu keežild tom puáhtá porgâđ meid nube, sunjin pyeremusávt heiveijee kielân. Táárbu mielđ uárnejuvvoo tulkkâ.

Kuullâm päddejuvvo. Kuullâmpaddimeh láá syeligâsah, mut tiäđuid puáhtá kirjijđ almoli tutkâmčielgiimân.

Tuoivâ lii, et kuullâmnâál olmooš maainâst aášjđ rehelávt nuuvt maht toh láá moonnâm.

Luhottesvuotâttutkâmkuávdáš puáhtá luovâttiđ kuullâm-tiäđuid ovdâttutkâm- tâi ášâskutteevirgeomâhâžžân tuše taggaar tiileest, mast persovn epiduvvoo tuođâlii rikosist, mast maksimiráŋgáštâs lii ucemustáá kyevti ive fangim. Kuittäg jis kuávdáš tiäđuh láá finnejum persovnist, kii lii ovdâttutkâmist tâi rievdist tuođâsteijen kenigittum tâi vuoigâdvuođâlâš kiäldádâttâđ tuođâstmist siämmáá äášist, te tiäđuid uázžu luovâttiđ tuše kuullâmnâál ulmuu luuvijn.

Kuullâmnâál ulmust lii vuoigâdvuođâ finniđ kuáhtulii sajanmáávsu tárbulijn mätki- já áigápuátukoloin já kulâmist šoddâm ruttâtuálun kyeskee táápuin.